

四庫全書

集部

欽定四庫全書

集部

文苑英華卷五百七十六

七

詳校官給事中<sub>臣</sub>李臺

助教<sub>臣</sub>常循覆勘

總校官進士<sub>臣</sub>朱鈐

校對官中書<sub>臣</sub>胡紹基

謄錄監生<sub>臣</sub>秦聯登

欽定四庫全書

文苑英華卷五百七十六

宋 李昉等 編

節度刺史讓官

為楊許州讓右羽林將軍表一首

為皇甫懷州讓官表一首

為鄭資州讓官表一首

為第一舅讓江州刺史表一首

為臨川王嗣宗讓陝州刺史表一首

為竇孝謚讓潤州刺史表一首 讓容州表二首

代獨孤將軍讓魏州刺史表一首

為崔使君讓潤州表一首

代裴相公讓河南等道副元帥表一首

謝讓加銀青福建觀察使表一首

代杜相公讓劍南元帥表一首

代杜相公讓河南等道副元帥表二首

代裴相公讓將相封爵表二首

為楊許州讓右羽林將軍表 宋之問

臣某言伏奉今月二日制書除臣忠武將軍守右羽林將軍五色無主如驚葉縣之龍千秋來歸似對遼門之鶴中謝臣聞為官擇人

集作才

先辟之成務陳力就列古

人之用心臣家本關西衣冠河曲素業將墜莫嗣英靈朱輪載輝謬承恩渥未盈一紀連刺九州西涼本六郡之樞南荆乃九州之會蒲藩關左之重鎮魏郡山東之奧區宣城襟帶於吳郊許昌密邇於周室每恥政逾期

月乏來暮之歌候易星霜無去思之詠隼旟迴復日忝  
恩榮熊軾往還多慙道路出居岳牧負尸祿之譏入計

河都待曠官之責不意天私俯宥睿獎曲成擢之類表無之

字以心膺之官賜之類表無之字在爪牙之地非常之澤捧

戴失圖天衛凝嚴北軍清切風霜劔騎頓玄武之僊闡

龍馬集作鳥旌旗環紫微之帝座掌斯嚴祕必屬親賢臣

也何顏敢膺殊寵當今鵷鴻接翼文武周身咸皆實已

過名位未充量臣內求諸已外愧妨賢若使愚臣苟安

於私懷聖授不允於清議陶鈞雖廣無路自容懼實由

衷讓非飾跡伏乞垂收渙汗更授類表作伴環材軍司得人

臣謂報國無任傾類表作欣幸愧負之極謹詣朝堂上表陳

讓以聞

千秋集作千歲衣冠河曲集作族非河北關左集作關右充量集作充德

為皇甫懷州讓官表

臣某言伏奉今月一日制書除臣使持節懷州諸軍事  
守懷州刺史成命俯臨兢魂自失妨賢不退無德而升

恩屢錫而知慙祿彌高而轉懼中謝臣聞國經選士有

一善而不

集作無

遺天爵與能從九徵而可試臣薄遊憲

府累踐禮闈衣繡無執簡之才起草愧含香之列移官

望苑日月其除驟駕梁園涓埃莫効剖符南峴既憇民

謠

集作既  
之祇謠

作鎮西河未寬人隱二

一作三

邦為政撫熊軾

而無功

集作無補

八使迴軒同鶴鳴而有薦遂廼謬霑東帛

猥賜褒揚頓掩前瑕更延今寵山陽大郡河內名區桑

竹蔭淇水之西井田雜邛山之北將何以潤道京邑化



接神州雖勉三載之勤何補

集作何階

一年之借封畿之要

歷選稱難臣也胡顏敢膺斯寄伏乞再求遺玉更網潛

珠庶使賢才申共理之心

集作能

聖主得分憂之地無任

叨竊之至謹詣朝堂奉表陳讓以聞臣所讓人別狀封  
進

為鄭資州讓官表

陳子昂

臣某言伏奉某月日敕

集作制

以臣為資州刺史恭承璽

命祇拜寵章匪服知慙循榮如失中謝臣學慚名術才

乏器能而寶厯逢時金章坐忝題與佐岳無展驥之能

集作庸剖竹專城闕懸魚之化坐嘯徒積主諾空慙伏惟

陛下革命開基造天立極方且弘宣帝典大啓皇猷而

四岳觀風不虛其任六條班集作頌政允屬其人集作臣

疲朽已侵循良久昧將何式過集作光刺舉允叶得人伏

願慎選英髦集作博選英才克諧僉議使人光共理政洽惟良

大周之命惟新愚臣之責攸息其所讓人具列集作如前

狀

為第二舅讓江州刺史表 李 嶠

臣某言伏奉恩制以臣為江州刺史寵命載臨憂惕若厲臣某誠惶誠恐頓首頓首死罪死罪臣行踈道缺學淺藝空百里弦歌尠蒲密之化六條贊貳乏海沂之績幸屬乾坤改旦堯舜為君下邑多淳朴之氓太平無峻切之政遂得逾安高秩未抵直繩尚且叨價藩廷竊譽人口挂二星之光彩達九臯於霄漢畫餅虛名孰云可錄素餐厚責猶懼未弭不謂聖恩旁暢天造曲成錫大

官之印綬剖專城之符竹飲冰懷炭內慙外悚况夏首  
西浮水陸交湊荆門東會舳艫相接是謂九江之府實  
殷三楚之郊旋顧庸虛本慙幹理將何以階浮獸之政  
術奉錫龜之職貢負乘之累豈但於身災敗駕之憂慮  
虧於國重臣雖貪冒苟在進趨至於上負帝難下速官  
謗猶知恐懼不敢寢默伏願回光三舍收霈九天徵漢  
濱之翹楚罷燕宮之綬襲則共理之寄無蹇於外臺得  
賢之什復聞於中宸無任悚慙之至謹詣朝堂奉表以

聞

為臨川王嗣宗讓陝州刺史表

臣某言臣謬延殊獎改牧大藩由中之祈已薦於宸扆  
恤下之鑒未回於霄極祇奉還命啟處失圖臣某誠惶  
誠恐頓首頓首死罪死罪臣地則葭莩質惟樗散實慙  
淮南好古之意有謝東平為善之樂徒以攀光日月藉  
慶雲霄遂得升降玉除珮服金璽四科取士本異賢良  
五等建侯自緣恩澤常懼貽累宗室取笑衣冠上缺麟

趾之風下招鶴翼之刺不謂聖慈愈厚天造彌隆收其  
十舍之才委以六條之任雖臻榮益觀竊忤於如絲而  
謬職妨賢顧慚於匪一作筐服况神臯名岳天府上腴是

殷帝畿實始王化東則二南作頌有周召之餘風西則  
三輔式歌望趙張之遺迹顧循庸昧本慙政理將何以  
肅應殊典崇藩屏之位繼踵前良致京師之福不能者  
止竊銘於夙心非據必危敢忘於大誠伏願暫紓聖鑒  
俯收愚歎永懷至公之道特寢曲私之澤則符竹有寄

長無尸素之譏，賴薪得才，不失朝廷之序，無任慙懼之至。謹重詣朝堂，奉表陳請，以聞。

為竇孝謙讓潤州刺史表

臣某言伏奉恩制，以臣為潤州刺史，祇奉寵榮，俯仰慙惕。臣某誠惶誠恐，頓首頓首，死罪死罪。臣尺澤輕生，斗

筲淺

一作賤

品行非三德，藝乏四科，屬雲雨曲成，山川廣

納，遂得差肩，冕笏，造羽駕，鷺自兼

一作兼

司天地，副象河

海空，陪九卿之末，詎達三禮之源。栢梁賦詩，徒述鐘磬

槐市講藝更慙几杖當曰

一作用

妨賢獲罪豈以稱職為

功而皇矣高臨霈然降澤乃為棘寺還剖竹符入奉千  
乘之尊出當六條之寄叨恩竊幸自初洎末夫以下邑  
樹風是惟政本外臺驅傳實總人極薛宣以理劇有才  
滿歲加授龔遂以撥繁無效數月召還力選前獻實資  
共理安可使赤紱虛忝素餐高詠伏願敦名器之實絕  
過謬之私更簡良才言刈其楚則山谷耆老方懷樹李  
之觀江湖吏人不起伐檀之刺無任悚懼之至謹詣朝



堂奉表以聞臣所讓人具如別狀臣某誠惶誠恐頓首  
頓首死罪死罪謹言

讓容州表

元 結集無

臣結言臣伏奉今月二十二日敕授臣使持節都督容  
州諸軍事守容州刺史中丞充本管經畧守捉使四月  
十六日敕到二十一日發付本道行營臣實愚弱謬當  
寄任奉詔之日不獲疑憂懼臣結中謝臣聞孝於家者  
忠於國以事君者無所隱臣有至切不敢不言臣實一

身奉養老母醫藥飲食非臣不喜臣暫違離則憂悸成疾臣又多疾近日加劇前在道州黽勉六歲實無政理多是假名頻請停官使司不許今臣所屬之州陷賊歲久頽城古木遠在炎荒管內諸州多未賓伏行營野次向十餘年在臣一身為國展効死當不避敢憚艱危但以老母念臣疾疹日久時方大暑南逾火山舉家漂泊寄在湖上單車將命赴於賊庭臣將就路老母悲泣聞者悽愴臣心可知臣欲扶持版輿南之合浦則老母氣

力難於遠行臣欲奮不顧家則母子之情禽畜猶有臣  
欲久辭老母則又汚辱名教臣欲便不之官又恐稽違  
詔命在臣肝腸如煎如灼昔徐庶心亂先主不逼令伯  
陳情晉武允許君臣國家萬代為規伏惟陛下以孝理  
萬姓慈育生類在臣情志實堪矜愍臣每讀前史見吳  
起遊宦噬臂不歸溫嶠奉使絕裾而去常恨不逢斯人  
使之殊死臣所以冒犯聖旨乞停今授待罪私門長得  
奉養供給井稅臣之懇願塵躪天威不勝惶恐謹遣某

官奉表陳讓以聞

再讓容州表

草土臣結言伏奉四月十三日敕以臣前在容州殊有  
理政使司乞留以遂人望起復臣守金吾衛將軍員外  
置同正員兼御史中丞使持節都督容州諸軍事兼容  
州刺史充本管經畧守捉使賜紫金魚袋忽奉恩詔心  
魂驚悸哀慕悲感不任憂懼臣某中謝臣聞苟傷禮法  
妄蒙寄任古人所畏臣敢不懼國家近年切惡薄俗文

官憂免許終喪制臣素非戰士曾忝臺省墨纒戎旅實  
傷禮法且容府陷沒十二三年管內諸州多在賊境臣  
前行營日月甚淺宣布聖澤遠人未知有何政能得在  
人口使司過聽誤有請留遂令朝廷隳紊法禁至使愚  
弱穢污禮教臣實不敢踐古人可畏之跡辱聖朝委任  
之命敢以死請乞追恩詔前者陛下授臣容州臣正任  
道州刺史臣身病母老不敢辭謝實為道州地安數年  
祿養容州破陷不宜辭避臣以為安食其祿蹈危不免

此乃人臣之節其時臣便奉表陳乞以母老地遠請解  
職任陛下察臣懇至追臣入朝臣以為不貽憂歎榮及  
膝下人子之分不圖恩敕未到臣丁酷罰哀號冤怨無  
所迨及今陛下又奪臣情禮授容州臣遂行則亡母旅  
櫬歸葬無日几筵漂寄奠祀無主捧讀詔書不勝悲懼  
臣舊患風疾近轉增劇荒忽迷忘不自知覺餘生殘喘  
朝夕殞滅豈堪金革能伏叛人特乞聖慈允臣所請收  
臣新授官誥令臣終喪制免生死羞愧是臣懇願臣今

寄住永州請刺史王庭璈為臣進表陳乞以聞

代獨孤將軍讓魏州刺史表 獨孤及 集無

臣莊言伏奉今月十九日制書以臣為中大夫持節魏州諸軍事守魏州刺史寵命光臨心靈震奪中謝臣才質汚濫學藝空疎往緣乏人謬參多士膏雨降而鮮鱗躍和風流而短翮飛遂以庸微累升清貴天臺望重始預郎官帝贊務殷仍霑縣宰翊州司而罕效撫邊鎮而何功睿澤旁滋皇明遠照曲顧先臣之舊不忘支屬之

姻遷臣以大樹之榮總臣以儀本之任既而力微招責  
祿厚延疴深慮即填溝壑不得重趨階陛屬天地仁  
慈聽臣入都醫醫療承恩之日頓減焦勞在路已來小將  
瘳健若何以仰祇嘉惠俯策疲駑當河北之奧藩忝山  
東之厚寄魏郡太守豈岑熙之可攀冀州刺史寧籍章  
之敢列伏乞迴光斂露寢汗停綸矜臣竊位之誠遂臣  
量能之請庶知人之鑒影響不差循吏之聲暮年而至  
無任忝冒屏營之至謹詣朝堂奉表陳讓以聞其所讓



人別狀封進

為崔史君讓潤州表

臣某言伏奉今日制書以臣為使持節潤州諸軍事  
潤州刺史散官如故前命甫流後恩遙集進退惟谷憂  
喜聚門臣某中謝臣材質孤陋藝能鄙薄徒以頗承舊  
業遂得歷踐清資國庠司級一作既非所據六衛陪軒

又無足採久欲避賢公府移疾家園不悟冲眷曲臨殊  
私屬委瓠溝東望始拜寵於韓臺竹里南浮遽遷榮於

楚澤何以仰承皇寄俯緝眡謠伏乞日月迴光雲雨流  
霈深惟鑒察改任良能則朝有至公臣知免戾無任屏  
營之至

代表相公讓河南等道副元帥表

常 袞

臣某言伏奉今月恩制以臣兼東都留守河南淮西山  
南東道副元帥伏以東征之寄相宅之選皆周召之臣  
保釐統一也故二南風化見美詩人况洛邑經陸渾之

戎有舊染之俗賴陛下發皇明以燭之布陽和以煦之

流散稍歸傷痕甫起然猶師居

一作君師

之任宜得經濟之

才自河而南至於吳楚節制戎律半於天下非宏畧傑

出功冠一時不可以專五侯九伯之征總衣裳兵車之

會臣以衰朽薄劣待罪台司塵辱尸忝無裨朝政每趨

宸陛益愧周行豈謂殊常之恩屢出非望注意之責并

在微軀憂懼慙惶寸刻難措臣聞唯名與器不可假人

審已量力未宜虛授若貪榮冒寵黽俛苟容神明昭昭

必速其害伏望歷求

類表作選

百辟委之兼才以分三老之

任用增九鼎之重則至公大行羣下知勸無任懇迫之

至

謝讓加銀青福建觀察使表

臣某言伏奉五月二十五日

類表無五字

恩制授臣銀青光

祿大夫使持節都督福建諸軍事福建刺史充福建等

州都團練觀察處置等使以今月二十一日

類表作至二十三

所部上訖臣負恩至深中

類表作睿

茲曲宥待罪猶近殊渥

荐臨一作加蕩滌瑕累超遷方任寵榮非次荷懼失圖臣

誠恐誠喜頓首頓首臣本性下愚起自孤賤代耕之望

心在於斯經遠之道一作謀實非所及先朝驅策以奉綸

言曲承眷私累漸階庭遂叅重務有戮彝倫未申報効

永負天地孽由自作罪在難容伏以宸斷察微聖慈憫

下抑羣議以屈法捨萬死以矜愚猶委藩條不坐親屬

如臣之比前例所無戴感兢惶類表作感戴兢慙隕越無措一作

惶折誓將沒齒効職南荒刻責自新庶補前咎常恐惡聲

已被有汙於史冊朽骨縱歸實穢於泉壤豈謂天波一  
洗塵渣忽除面目何施灰粉亦足聖朝使過始自庸臣  
特賜崇階超授連率減論之貸曾未周星錄用之榮頓  
極今日素多孱劣又乏幹能將何以式遏外虞澄清列  
郡一作部幸遇德音頻降霈澤普覃惠恤困窮均省財賦  
盡除疾苦莫不昭蘇海隅蒼生自樂淳化臣奉宣清問  
遠布皇猷老少懷安抃躍相慶臣才非所任不敢冒榮  
必招無德之殃恐致負乘之寇伏請削除三品退守一

州冀循恒資免至踰分庶回宸鑒俯恤一作遂血誠所忝  
榮班請授能者無任戰荷懇迫之至謹差特進試鴻臚  
卿臣郝誠溢奉表謝恩陳乞以聞

代杜相公讓劔南元帥表

臣鴻漸惶恐言臣本自諸生素乏經邦之具無才無行  
至愚至拙其所望者在得祿代耕而已往屬先帝中興  
時方草昧攀附日月遭逢盛時獲奉馳驅遂蒙委遇毫  
髮未報哀惶靡及陛下龍飛踐祚俊乂滿朝猶顧微臣

使叅大政備位宰輔出入六年上不能調和陰陽下不能親輔百姓朝典隳廢聖慮憂勞其心愧恥中夜三嘆况外統羣帥遙制戎間在臣懦劣非所堪任曩者受命而行屬西南未安中外所主一作注雖有危難臣不合辭

崔寧頃至朝廷親授經畧及達一作還方鎮事頗條理叔

明獻恭竝是良將自蒙一作承擢用甚允聲實可以倚辦

竝堪獨任且將在間外事得專之遠道取決恐失要會坐而臨制誠亦非宜今又請謚臣何所劾豈苟貪榮利



以固寵榮

類表作恩

蓋鎮撫四夷宰相之任也陛下不以臣

薄陋待罪鼎司至于疆事不修戎車未息實得叅議任

其安危無以

一作所

裨補皆臣之罪也何必一方之務獨

有責成特乞下鑒愚懇俯停戎號則王

一作天

朝無兼授

之寵臣下有知止之分昧死上言冀回宸矚無任惶迫

屏營之至謹奉表陳露以聞

代杜相公讓河南等道副元帥表

前人

臣某言伏奉今日日恩制以臣兼河南江淮山南東道副元帥祇奉詔書俯伏流汗驚悚惶灼若無所容臣某誠惶誠恐頓首頓首臣聞將帥者四方之守中夏垣翰也上以衛社稷外以撫戎夷

前篇作四夷

國容不入於軍閫

類表作門

戎事得專其將命漢讓韓信以安危存亡之地齊

摧攘苴以文武威附之名所授既難所責亦重非才而處鮮不敗事臣固陋無識蒙國厚恩遭時備位塵辱華袞見貽匈奴之哂不副蒼生之望竊拙無補六年曠官

陰陽愆和政理乖度金革未戢水旱相乘常待罪於策  
免敢希恩於望外臣所以徘徊渥澤尚忝中樞豈持祿  
保身苟自容也以其瀝誠未墜不敢固辭頃者即戎巴  
蜀總制羣師屬兩川未安遂任憂責而邊患稍息方隅  
甫寧此蓋憑神武之威用廟勝之策不然者將顛沛是  
懼豈望於天幸哉陛下覆之如天容之如地矜其疾病  
察以愚懇特蒙優詔獲上兵符喜忭未寧遽承新命東  
南至海俾護諸軍外綏四國專制萬里以天子二老之

任會諸侯九合之師事之濟否所繫尤大在臣懦劣非  
所克堪誠願飾愚磨鈍展効毫髮以報所授之恩以勤  
所忝之職而器非所適力又不任加之衰老事多廢忘  
豈可訓師詰禁以張威武前篇作衆職伏冀求方叔南仲之  
賢授統一專征之寄天下大柄豈私於臣實恐傷陛下  
之知人干處士之橫議誓將死請輒露血誠輕黷威嚴  
庶回宸斷無任懇歎屏營之至

第二表

臣某言伏以智小識淺懇辭新命德音緬邈聖旨如初

憂悸慙

一作驚

惶寸陰難處情有所迫再黷宸嚴冀天光

之下濟期夕殞之無恨臣某誠惶誠恐頓首頓首臣聞

以賢授任猶誠盈滿無德而祿固宜思

前篇作勇

退如或不

量其分苟患失之貪榮冒寵以曠職事禍之所伏亦可

畏也臣孤陋疵賤自視缺然遭遇

類表作逢

盛時謬此榮達

得以貂蟬袞服趨侍雲陛擁旄杖節統護戎師崇班厚

遇

前篇作祿

頓極於此退自惟省夙夜慙惶

類表作懼

內曠論道

經邦之位外乏濟河登山之功但終恩眷萬不酬一四

方歸責喧喧盈耳陛下矜其不逮近罷即戎未踰旬時

又辱謀帥私懷爽絕以驚以怖昔光武見事於千里之

外諸將授

類表作受

成算而已陛下聰明神武超然過之戲

濟多難犬

類表作一

戎大定今天下方鎮東南

類表山東

最寧

九字

一作天下方鎮西最寧謚

但委之將守授以經畧自可致理又何足

虞豈必以不才之臣竊

一作授

非據之位加之衰憊難於

力强陛下知人則哲憫臣竊位之愚固當降殊私之貸

開至公之選倘以懦敗事謗缺上聞雖欲宥之其何及  
前篇也昧死陳乞庶鑒愚誠祈於必從不敢有隱伏冀  
作得收春雨之既降迴朝陽而見燭俾不能者止實望於曲  
成之仁也無任懇迫屏營之至

右二篇又載五百七十四卷前已削去

代裴相公讓將相封爵表

臣某惶恐言臣聞無德而祿殃咎必至又鬼神害盈而  
福謙蓋經旨一作之明言聖哲之垂誠也臣儒門孤賤

行拙性愚自甘散棄豈望榮達時來驟進任遇頗崇一作

重備位將相無補聖朝道惡其滿天與之疾素有氣癖

兼之風眩又多煩躁事劇則昏伏以軍國重務猥承叅

決強策駑朽以親事任精爽潛耗病源益深近日有加

曠旬彌一作綿滯食不知味所進殊少形神憔悴惘惘不

樂聖慈憐憫一作恤念微生御膳一作藥名醫屢蒙

降錫霈然有喜載感於渥恩終亦無瘳復增其沉痾豈

不以祿秩過量憂負在心強其不逮之分促其有終之



限以茲速戾固亦明徵且臣子之急必告君父在臣今日實堪憐憫以陛下之知臣豈獨厚其爵位也以陛下之念臣豈不存一作全其骸骨也臣以冒寵則憐於危殆辭榮則安於攝衛伏冀特回宸眷俯察愚誠削除官爵使養衰疾庶垂白之年受賜於陛下生成之德有過於天地無任懇迫屏營之至

第二表

臣某言伏以衰疾沉綿久曠樞務憂惶迫切不敢自安

專一作所以昧死上將相列侯印綬披瀝丹愚再有陳乞

顧景待命還旨如初窮情未達轉益危困臣誠惶誠恐  
頓首頓首臣內顧微躬自量拙分無片善可取無一事

可稱皆緣際會參務軍國尸榮竊位公責所歸且智小

謀大鮮不敗事福過災生常然之理一自嬰瘵一作疾旬

朔未瘳大減服食晦明異候竊料氣力衰憊恐先犬馬

乞遂閒退庶安形神且臣素疵賤敢期貴達常慮薄質

不堪重任今祿位俱極過逾涯分致此沉痾得非害盈

思自損抑冀通神理又不親政事歷受寵榮廢公曠時  
益用慙懼所以塵黷疏宸至于再三情迫於茲敢有所  
隱愚朴之性陛下素知加以危頓豈容矯飾伏望罷其

新一作

授貸以微

殘一作

生昔漢魏近臣有以期

一作

年

久疾者則賜告就第或再起復位若大限未盡羸疴漸  
平聖慈不棄驅策非晚重得珥貂丹禁條紫玉墀則微  
効獲申所乞無幾如或殆至深慮何必暫榮儻生遂其  
志沒無所恨矣實冀皇天聽卑於在上太陽迴舍於志

誠一作生成俯納誠祈退令攝衛衰朽餘齒殊私曲全受賜  
則多生涯之幸臣無任懇迫之至

文苑英華卷五百七十六

欽定四庫全書

文苑英華卷五百七十七 宋 李昉等 編

文官讓官

代王尚書讓官表二首

為李景謨讓天官尚書表一首

讓地官尚書表一首

為歐陽通讓夏官尚書表一首

為楊執柔讓夏官尚書表一首

為歐陽通讓司禮卿表一首

為司禮武卿讓官表一首

為崔神基讓司賓卿表一首

為司刑袁卿讓官表一首

為司農李卿讓官表一首

為宗楚客讓營繕太監表一首

為王遺恕讓殿中少監表一首

為第十舅讓殿中監兼仗內閑廐表一首

讓麟臺少監表一首

為田歸道讓殿中監表一首

讓成均祭酒表一首

自內史再讓成均祭酒表一首

讓吏部侍郎表二首

代王尚書讓官表

闕名

臣某言臣聞綆之短者無以及深馬之疲者無以致遠  
臣實凡淺素乏器能爰自效官累蒙驅策服勤中外三

十餘年始奉將作遽加節制叨尹京觀之任兼副八座  
之權空勵駑鉛竟無補裨陛下寬其罪戾特見優容尚  
列周行更升榮級臣以殿中監依前檢校刑部尚書未  
經數月又集賢待制豈臣才能及此皆是明主曲成感  
戴殊私不忘寢食誓將竭節以報國恩而去歲已來累  
瘿沉瘵形神久殆筋力漸微在暇日多朝天未克顧惟  
所職倍益兢惶地近一作通宮闈事繁供應統茲六尚之  
務不可一日缺人以臣之曠所害尤甚雖欲匍匐就列



支持守官力所不任難於自勉伏乞矜臣不逮許停此  
官在臣血誠實惟志願無任懇迫之至

第二表

臣某言臣聞為臣事君貴於無隱情有所切必以上聞  
言一作苟易茲道即非盡節臣以衰憊形貌支離自冬徂

春心勞力竭竊料旬月之內未能趨拜闕庭殿省務殷  
實憂廢失昨以所瀝上請乞罷此官天路高深未能允  
納伏覲墨詔冰炭交懷且人之立身大抵榮祿蓋有欲

之而不得未有得之而願辭今臣務摠六尚位雄九列  
往來中禁輝映當朝在臣私門實深慶幸若力能奉職  
智可効官豈敢罔冒天聽堅為飾讓推之物理況見愚  
衷又臣疇昔之志每懷勤恪比雖綿悞倍益殷憂小有  
供擬盡關心慮以茲重困轉覺疲羸伏乞天慈察臣不  
逮儻獲免所職俯救沉疴生成之恩無以堪比無任懇  
迫之至

為李景謏讓天官尚書表

李嶠

臣景謚言伏奉恩制以臣為天官尚書寵命載臨震悸  
交集鞠躬自覲屏營無措臣景謚誠惶誠恐頓首頓首  
死罪死罪臣聞俊人在官百揆所以時叙名器妄假九  
流於是咸曠事關隆替義難忝越臣才疎行缺學淺智  
空十舍無千里之資一經乏三冬之教一作徒以遭逢

昌運始因藉時

一作集來

幸雨露

一作雲雨

之曲成遇山川之廣

納遂得差肩冕笏比跡流品出入臺省周旋階闈錡金  
鳴玉坐榮枯朽擊水搏風顧慙腹背自忝司衡鏡亟易

一作積

星灰雖智力已窮而清通未效朱紫多奈涇渭莫

辨宜其抵罪觸網稍清官謗翻乃假寵增服更垂天獎  
是用荷恩內訟以榮為憂且夫八座位隆五曹望重典

南宮之喉舌象北斗之樞機式資藻鑑奚綜賓實自非

孝先亮直彥輔公忠

一作怒

山濤之簡靜篤素顧譚之心

精體密何以對揚天哲厭塞人望顧斯政本實總國彛  
豈臣庸愚所堪尸忝伏願迴光寢照返汗收恩察臣由  
衷之請矜臣陳力之議則朝端允穆天下至公四始輟

在梁之譏六爻無負乘之累矣無任慙懼之至謹詣朝  
堂奉表以聞其所讓人具如別狀臣景謀誠惶誠恐頓  
首頓首死罪謹言

讓地官尚書表

臣某言伏奉制旨以臣為地官尚書無涯之恩忽降霄  
極非據之惕坐驚魂宇臣某誠惶誠恐頓首頓首死罪  
死罪臣少無奇志長乏異能短步非疾於駢騶翻飛自  
同於燕雀逢聖神之再造屬天地之兼容鄭璞齊竽竊

混聲價泰冠漢綬叨踐名級步駕池之清切陟鸞渚之  
便番出入五臺周旋三閤行膺負璽之任遂服專車之  
寵萬幾損益蔽於庸陋之心百揆謨猷滯於膏肓之疾  
爰發皇揆特留宸眷假優閒之秩雖入杏壇叅翊亮之  
謀尚和梅鼎徒延舟楫之舉竟微股肱之效挈瓶之智  
患在於空虛瞰室之災懼深於盈滿方陳骸骨之情遽  
荷雲霄之命負乘之責前謗未除忝越之譏後恩仍及  
還振蟬蛸之羽欲叅龍鳳之行赤紱妨賢物知不可素

食得位臣亦胡顏况八座樞機五曹要劇上儀七星之  
象旁理萬邦之教自非元凱之明允忠肅陳韓之敦樸  
淳深將何以釐正版圖擾安邦國臣之淺狹誠則貪叨  
朝有典章敢叨疑非望伏乞迴乾坤之曲澤收雨露之  
殊私廣訪訐謨詳求棧樸更引食場之彥俾臨均土之  
司則受任得才無愆振鷺之美官方有序不失貫魚之  
次無任慙悚之至謹詣朝堂奉表陳請以聞臣所讓人  
別狀封進臣某誠惶誠恐頓首頓首謹言

為歐陽通讓夏官尚書表

臣通言伏奉恩制以臣為夏官尚書非常之恩忽萃庸  
朽顧匪服而增覲奉如絲而自失臣通中謝臣聞思皇  
多士必求於俊又惟帝念功不寄於庸保臣識量凡淺  
志業空廢乏刀筆之吏能無俎豆之經術徒以積勞為  
忝久宦成資承日月之末光霑雨露之弘貸丈二之組  
每慙於假竊尺一之制更獎於庸微俛仰慙惶屏營反  
側夫以天臺峻密帝猷殷曠端揆隆於八座樞衡總於



萬幾非夫賢才孰能綜理况周官司馬有甲兵之職漢  
服珥貂兼喉舌之任歷觀前載此選尤難安可以樗櫟  
散才瓶甯小器比德陳劔差蹤鄭履豈無慙於謬寵實  
有懼於妨官今聖歷惟新王化資始天工其代帝難所  
急伏願特寢過恩旁求實用塞多幸之路開至公之道  
則巨鱗縱壑朝有得賢之頌惟鵜在梁臣無濫官之責  
無任慙懼之至謹詣朝闕奉表陳請以聞

為楊執柔讓夏官尚書表

臣執柔言伏奉恩制以臣為夏官尚書光寵載臨震悸  
交集臣某誠惶誠恐頓首頓首死罪死罪臣學無所成  
志不及遠徒以憑托霄漢接南陽之近親感會風雲附  
西京之外戚遂得叨恩藉幸服冕乘軒將鸞雀而同化  
共鸞鳳而並翼自升榮軒聞接武卿士徒叅河海之象  
竟乏涓塵之效竊位妨賢自甘屏黜循涯揣分敢希超  
獎而聖造不貲天波累洽仍降非常之澤更申踰等之  
命豈惟連芳八座上比七星固亦分職五曹專司九法

昔虞登百揆命喉舌之官晉簡庶寮宗元凱之秩自時  
厥後此選尤難自非宿望通才高賢舊德何以別邦國  
之大典膺腹心之重寄臣尸忝無成實彰於既往朽劣  
不逮難冀於將來雖輸報有心而勉勵無術寧敢自安  
時謗屢玷國猷陛下綜理機衡搜擇才俊而至公之道  
未廣於翹薪則哲之明近謬於庸菲恐人物鮮體衣冠  
失望伏乞暫回冲鑒俯絕過恩更弘尚德之舉不失能  
官之授則濟濟庶寮自有悅於多士區區庸鄙僮無譏

於候人不任慙懼之至謹詣朝堂奉表以聞謹言

為歐陽通讓司禮卿第二表

臣通言臣受恩怖懼已薦歎誠而還旨綢繆未垂矜亮  
俯仰跼蹐心魂震蕩臣通誠惶誠恐頓首頓首死罪死  
罪臣學藝雙缺心迹兩蕪顧常接言友朋而信未盈缶  
陳力官守而智罕挈餅徒以沐道康衢冷和休歷四方  
無事逢聖后之垂衣百度已貞得庸夫之高枕幸承寬  
大遂安忝竊本將榮利求達不以廉隅自修厚祿尊官

雅是所弱陳辭抗疏豈為高誠以理苟未安義則不可  
何者器有劑限物有局量當其才則事或能濟踰其分  
則力所不堪是以枯木朽株不荷棟梁之任謏聞曲學  
不為廊廟之資臣妨賢已久竊位非今然自承乏具寮  
叨榮散職雖云尸忝未甚隳廢至於典司邦禮出納王  
言徒飭躬而自強終絕臚而無力汝作霖雨既非庸妄  
所堪臣為股肱必致陰陽之失虧名損實匪顧身疵蠹  
政傷風將辱朝鑒誠為貪冒豈敢自安伏願回日月之

明收雲霄之澤察臣由哀之請矜臣知止之分則周廟  
之器無懼於盈滿曹人之衣或免於譏刺無任慙懼屏  
營之至謹詣朝堂奉表以聞臣通誠惶誠恐頓首頓首  
死罪死罪

為司禮武卿讓官表

臣重規言伏奉今月十五日制書加臣中大夫兼司禮  
卿寵命光臨心靈隕一作震越臣重規中謝臣聞量能而  
官往聖垂範無德而祿昔賢有誠陛下施物之平不私

毫髮知人之鑒獨謬庸虛

一作

但禮秩

一作

之職歷選

所難苟非得賢於何求化西京置一十二列首貫金吾

東漢有三十九人多遷王鉉妙擇時望將以洽神祇博

採列侯所謂重宗廟桓榮之經學始展今恩孫道之禮

儀方膺此命在臣無取遠謝古人將何以載玄冕之七

旒驅素

一作

車之十一

一作

乘臣之慊慊非欲自保其身

臣之悽悽深慮上塵於國伏乞聖恩容納皇澤霑濡深

惟得人傍授能者則天官無曠庶績其凝謹封所讓人

狀如前不任慙懼屏營之至

一作皆唐類表

為崔神基讓司賓卿表

臣神基伏奉恩制以臣為司賓卿芝渙曲臨獎飾踰分  
蓬心迴蕩冰炭交集臣神基誠惶誠恐頓首頓首死罪  
死罪臣才實凡庸志無遠大徒以命偶時來飡和飲澤  
累叨恩遇浸成榮顯遂得出擁朱軒入陪紫蓋被服珪  
組周旋階闈自謬司六尚承乏九賓星館移塵露無



紀每懷忌滿之誠實負曠官之責寧可以更奉殊徽重  
叨非據當象河之顯列處惟月之崇班陛下刻象琯金  
焚山膀道維駒在詠異人並出無容使芳蕙為蒿疑康  
瓠成寶伏乞天哲改擇人望則尚德之舉無累於翹薪  
匪服之譏不塵於列棘無任慙悚之至謹詣朝堂奉表  
以聞

為司刑袁卿讓官表

陳子昂

臣某言伏奉某月日敕授臣某官祇拜寵章

集作魂字

飛越臣某中謝臣聞王者敬懼愆在典刑天下取

集作  
允

平允

集作  
取

茲廷尉苟非其人法不虛行臣本庸微名術

無紀階緣際會昭遇盛明謬得揚歷簪裾陪奉駕鸞綢

繆榮寵

集作  
樣

荏苒年時毫髮之功無聞於官守素餐之

責每積於公朝何嘗不悚迫惟憂夙夜祇畏而天恩方

被寵命仍加復蒙璽誥之榮驟縮

集作  
觀

銀章之貴永言

非據稽首知慙伏惟神皇陛下恭已受圖任賢興化方

且合符皇極代理天工臣亦何人敢妨賢路伏見某官

某乙弱冠登仕早有能名每以清白洗心不為寒溫變

節誠使榮加天寵職察雲司必能利用文明哀矜庶獄

弼成五教無謝於堯

集作虞

臣載光三典允諧於周議愚

臣昧暗不識大猷請乞以臣所授官讓與某官庶使官

允其才名不失實聖朝有得人之盛愚臣無冒貴

一作貴

之譏實在宸

集作聖

慈鑒非虛謬

為司農李卿讓官表

臣某言伏奉今日日恩制依舊授臣中大夫守司農卿

臣枯骨再生更蒙寵命魂魄兢越不知所圖臣某中謝

臣實庸愚本無名節庇身公族竊車冕之餘假翼宗枝

濫衣冠之末因循寵秩

集作服

累尸榮班素飡之責每深

效拙之勤未補橫被逆賊徐敬真以私讐言寃架延臣

集作

架禍誣臣

云與叔孝逸交通逆豎獄官執法寘以極刑臣腰

領之誅已甘灰粉泉壤之魄分隔幽明不圖陛下天地

之恩再生朽骨日月之照曲被重泉察臣非辜愍臣無

罪不牽文法之議特垂赦宥之慈螻蟻微軀復得全活

自非陛下克明克聖至德至仁臣之魂魄不保今日臣

免死為幸豈敢期榮陛下加臣寵章還臣舊職載集作典

司宗伯以睦周親愚臣胡顏敢冒朝典况臣叔孝逸推

使未還

集作迴

在於愚臣更深

集作須

待罪安敢私職

一作訟職

以玷國章伏乞天恩照臣愚懇不勝感戴生榮之至

為宗楚客讓營繕太監表 李嶠

臣某言臣叨承睿澤冒陳愚懇而九重再達三舍不迴  
鞠躬慙惶莫知啓處臣誠惶誠恐頓首頓首死罪死罪

臣自惟寡薄何階榮遇徒以山林舊籍有感聖慈葭莩  
末戚特延宸獎遂得升朝列位服冕乘軒平視公卿奄  
同七貴坐登霄漢非因六翮自兼司喉舌副掌樞衡百  
姓不親徒承在寬之訓萬幾都曠終替責成之舉期獲  
戾於妨官敢邀榮於賜秩而甘露時雨不遺於溥汎尊  
官厚祿更集於庸虛仍令入總巨卿出毗藩牧顧非材  
於樗櫟空愧梓一作人方假職於檐帷多慙竹使夫以  
渚宮作鎮旁兼水陸營室致功上儀星象自非馬延年

之勤苦羊叔子之恩惠何以撫茲千里按彼百工陛下  
義不斷恩遂忘濯龍之誠微臣寵深增懼敢冒濡鵝之  
譏况今天地開元聖神改物四方拭目而觀化九流褰  
裳而願仕而則哲之鑒未獎於翹薪至公之心近謬於  
凡菲將恐懼開親昵之多幸失衣冠之雅望小人淺見偶  
識自量匹夫雖微敢守難奪伏乞俯停過謬更擇良能  
則出門同人更釋于宗之吝側席思彥不乏登壇之寶  
無任慙懼之至謹重詣朝堂奉表以聞謹言

為王遺恕讓殿中少監表

臣遺恕言伏奉恩制以臣為殿中少監奉命荒越不知  
啓處臣某中謝臣行忤神祇身積釁咎偷延苦泉自甘  
隕越陛下忘其尪陋牽以縶維仰號上天俯踏下土精  
誠無感三舍不迴志節莫修九泉未即遂復肅膺紫紱  
權就墨絰俛首官寺覲顏朝序自攝職天臺慙簡要之  
目徒秩京輦乏仁明之政銓管無沛多謝昔賢枹鼓不  
鳴實愧前烈空尸厚祿坐積時諉不謂天光下濟聖慈



曲覽重延殊獎更超顯位司六尚之嚴凝望九重之清  
切懷恩揆拙既懼且慙但臣下棄情禮上虧答效孝不  
足稱忠無可紀永惟家國實負君親將何以安其尸忝  
暴之視聽伏乞暫回冲戀少察懇誠不虧聖朝之鑒無  
重愚臣之罪則涵育有方官序無替無任哀悚之至謹  
詣朝堂奉表以聞

為第十舅讓殿中監兼仗內閑廐表

臣某言伏奉恩制以臣為殿中監兼檢校仗內諸閑廐

逾涯之恩忽降霄極非據之惕坐驚魂宇臣某誠惶誠  
恐頓首頓首死罪死罪臣本乏才藝素無操植徒因緒  
業獲齒簪裾屬兩曜重光三靈再造登山捧日始會於  
風雲涉海窺天遂攀於星漢位非德進榮以恩昇出捧  
鸞鑣駟玉輿之式道入陪鳳宸預金門之通籍扈清切  
之嚴衛接網繆之宴私丘山之恩徒謝成貸一作徒  
慚冒忝絲  
髮之効竟知無補加以兼烏竊幸假鳳連棲弟兄分侍  
於閭闈甥舅齊踪於樞祕光榮被於九族寵遇傾於百

察是以常誠滿盈亟慚尸素

一作泰

叔寶之遇武子雖願

輸忠正禮之對公山唯憂曠職常思高明之暇室每懼

平路之傾翰豈謂天道不貲聖慈逾厚仍降非常之澤

重紆加等之命妨賢受位多慚於鴛鴦之羣匪服叨榮

實愧於蜉蝣之羽

一作維  
鶴之刺

竊惟先王慎擇不進於凡庸

明主虛求務延於才俊伏乞旁羅杞梓更詢棫樸必取

尤能秀傑方為御府之臣無使五技輕姿謬處七閑之

任自然六尚增價七駒無忝納于百揆終無廢事之譏

賓于四門必有得人之頌無任慙懼屏營之至謹詣朝堂奉表陳謝以聞謹言

讓麟臺少監表

臣嶠言伏奉制書以臣為麟臺少監依舊兼修國史仍知鳳閣舍人制閣事仰戴私恩退揆愚陋手足知舞心魂載惕臣嶠誠惶誠恐頓首頓首死罪死罪臣一經莫守五技不成宮墻易窺俎豆無術陽和布德枯朽同榮雷霆發音閉蟄俱起用叨時幸遂歷清階含香握蘭惟

塵於兩鳧之署切問近對匪服於雙鸞之沼西垣載筆  
五字非工東觀屬詞兩班難嗣空抱支離之疾坐招尸  
素之譏惟此挈瓶有同畫餅豈足以比肩良史叅領祕  
文猶陪二子之行尚忝四郎之末網羅帝籍既佇英才  
出納王言寧容妄處陛下搜賢擇善責實循名程才畢  
入於準繩適用不差於輪桶伏願特迴鑒揆俯察愚蒙  
深惟帝難妙簡人才則尚德之舉寧謬於鴛池妨賢之  
談不起於麟閣無任忝竊慙悚之至謹詣朝堂奉表陳

請以聞臣所讓入別狀封進臣嶠誠惶誠恐頓首頓首  
死罪死罪謹言

為田歸道讓殿中監表

宋之問

臣某言伏奉今月二十二日制除臣殿中監依舊押千  
騎特降鴻私一作思超加等數足臨鯨壑未偕聞寵之憂

首抃鼇山豈踰承恩之重臣某中謝臣聞欲成大廈必  
寄於瓌材將適遠途理歸於駿足未有闕公輸之巧輒  
事揮斤無良樂之能謬令市骨臣藝術無取名檢莫聞

叨承任遇遂階通顯再趨一作起武禁誠恪未聞三八文

昌涓埃莫效剖符為郡山東無勿剪之謠握節和戎漠  
北有不賓之虜而制書涵育猥錫褒揚天造曲成更延  
今授臣知不可清議難容推賢讓能列聖之明範量力  
審分先覺之讜言當今運屬昇平朝多俊人伏乞精求  
稱職以代不能遂愚臣由衷之詞全聖主一作皇至公之  
道授受無失臣免妨賢無任悚懼忝竊之極謹詣朝堂  
奉表陳讓以聞臣所讓人別狀封進謹言

讓成均祭酒表

李嶠久視元年

臣嶠言伏奉恩制以臣為成均祭酒對揚鴻休揣摩褊  
量獎飾踰分周惶增惕臣誠惶誠恐頓首頓首死罪死  
罪臣才不應務命實偶時非親非賢奉帷幄之侍無藝  
無術備鹽梅之臣排金門而上玉堂步駕閣而遊鸞沼  
抱支離之沉痾曠密勿之繁機六翮不任但慙於腹背  
四支已頓空請於骸體一作體骨分辭榮於瑣闥仍藉寵於  
環林顧非席上之珍敢辱淹中之賞况東序蟻學稱為



教化之宮西膠席門實應文章之宿論姬孔之制度談  
夏商之損益方期遺典墜業有可發明豈伊曲學謏聞  
所堪尸忝伏望俯停庸瘝改命耆儒則授几肆筵還知  
入廟之禮褒衣博帶不濡在梁之翼無任忝竊慙惶之  
至謹詣朝堂奉表陳讓以聞臣所讓人具如別狀臣嶠  
誠惶誠恐頓首頓首死罪死罪謹言

自內史再讓成均祭酒表

臣嶠言伏奉今月二十四日制書除臣成均祭酒同鳳

閭鸞臺三品餘並如故列星皦日曲垂鑒揆膏雨油雲  
傍灑渥澤承命如失負恩不勝臣嶠中謝臣本諸生階  
緣常調幼趨詩禮纔學修身長習文章罕能經國徒以

淹年曠日積勤累勞無翼而偶摩霄不材而叅構厦往

逢人乏濫荷天聽

類表作聰

預聞政事莫近主益尋而犬馬

私疾頗至虛羸螻蟻殘生俯蒙含育矜其不逮畀以閒  
司臣獲從容稍似強健復屬皇慈不已聖獎彌勤始接  
貂蟬更追龍鳳機務填委昏惰戰兢風勞霧氣曉迫宵

煎因此疲羸慮成廢類表曠所以每求清閒輒事陳乞

作瘵

竊望優游散輩沐浴淳源豈晤大類表造弗遺殊榮累

作聖

及玷類表代天之列躡教胄之行且祭酒之榮有道之

作沾

選往年已知不可今者何宜重遊伏乞特寢嚴汗改命  
長才非敢欲逃身責深恐有奈國經由衷精誠惟聖矜  
納無任懇迫慙荷之至謹詣朝堂奉表陳讓以聞其所  
讓  
人別狀封進

讓吏部侍郎表

邵

說此表唐書邵說

傳有之已注異同  
英華作張說非

臣某言臣以殃譽頃遭汚染知臣者或哀其逼切畏忌者或肆其讒誣自授南宮分銓東洛于茲累月憂懼實深火心水背若墜泉谷何則拜命之始遇山陵附近奉辭之日屬虞祭未終不得入覲天顏少申誠慊此臣所以達曙不寢一作寐終朝疚懷徘徊徬徨莫知死所今情有至切不敢不盡陳其愚衷臣家本儒素代傳名節臣祖長白山人貞一以周朝權統革命潛遁終身臣父殿

中侍御史瓊之遇玄宗撥亂興邦揚一區數四累登甲乙  
之第再踐準繩之任微臣積釁殃禍所終十六而孤長  
於母手誓心墳史不出戶庭迨至天寶中謬忝詞場擢  
第適會老母棄背服喪河洛及祿山之至禮制當終臣  
愚不脫縲麻更踰再歲而賊中言議往往紛然臣懼兇  
黨不容寓遊洛魏值慶緒奔遁保於相唐書大搜詞  
人脇為已用以兇威責臣不至以驛騎逼臣遂行與潘  
炎始陷兇逆遽聞思明歛附燕趙服從欲取黃沙嶺路

因此得歸闕下屬思明數萬之衆南鎮趙州送臣於范陽抗疏以聞奏肅宗特降中旨授臣左金吾衛騎曹將軍宣恩命云聞卿遠來可且於思明處憩息留滯未幾忽遇烏承恩事彰由是井陘路絕再陷兗盜而思明朝義負恩之際臣亦累達欵誠伏蒙肅宗皇帝賜臣敕書云卿志士苦心王臣勵節藝成俎豆跡陷豺狼頃年艱中策馬歸命出於萬死臣節尤彰忠誠若茲不負於國比朝義將敗謀守河陽臣知回紇利於野戰沮破其計

及朝義奔走臣得西歸伏死於闕庭獻狀於先聖中使  
特宣進旨云卿之狀跡多肅宗時事三數日內即授卿  
官當蒙除臣延王府功曹叅軍宣進旨云卿所進狀見  
今在院及翰林檢勘至其年六月十九日與王佑同時  
召見先聖謂臣及王佑曰卿所進狀朕一一已令檢卿  
之誠節可謂著明尋除王佑侍御史除臣殿中侍御史  
仍遣宣進止中書門下令制詞中盡言其事詞云王佑  
邵說有文學政事之資飾溫良恭儉之行嘗應推擇薦

屬流離失身淹時無路自免然而深知逆順潛竭款誠  
當慶緒之難已彰臣節及朝義之敗更沮允謀言念忠  
懇何傷點汚思申雅器且表至公宜擢憲司式弘國體  
則先聖疇昔之意盡已知之自是再忝栢臺四登郎署  
宰理京劇倅貳祕書一十八年備更任使今復以非次  
待之不疑斯發自天斷非常情所及且棄瑕錄用古昔  
攸難稽之載籍所傳無幾則齊桓諸侯之主能收管仲  
太宗非常之聖特任魏徵咸為得人終成大業如臣行



藝寡薄知識凡淺有殊管魏之事曾無管魏之才必恐受謗於衣冠不容於輩列速愚臣之禍傷聖主之明其理必然固無疑也古語曰女無好醜入宮見妬士無賢不肖入朝見嫉臣雖掌銓日近切慮見嫉已深伏願哀臣血誠免臣此職四門已穆百度惟貞在于微臣死生感戴無任懇切之至

第二表

臣某言臣以玷缺懼辱高位一昨瀝肝上請泣血祈天

冀達愚衷俯停新命不謂聖慈褒飾宸鑒未回伏讀墨  
詔載深兢惕臣某中謝臣嘗覽載籍備知古今用人之  
道其流不一遇艱難之際或有棄瑕偶文明之時固當  
慎擇如臣頃陷兇逆大節已虧雖昔曾獻欵而罪難自  
贖今中朝無事八表會同有符帝舜之理日漸時雍之  
化已明四目特序九流豈臣汚染之餘合受清通之寄  
縱使陛下憐臣宿志察臣脅從無那取捨羣才易招毀  
黷亦安可家至戶說令盡知愚臣疇昔之血誠哉何則

今歲吏曹至難十倍常歲缺員至少從調者多益知

唐書

以作功優其數尤廣又準選

唐書

格以判留人十輩之中

放其六七彼輩衣糧自遠旅食經時固不甘心必大騰

口脫有誣謗上疑聖心事等投杼將何取雪此臣之懼

敢不盡言况朝廷冠冕如雲咸稱俊傑或以文行底祿

或以政術知名出入中外累更任使而臣謬司左職實


用多慙伏見戶部侍郎

唐書作郎中

蕭定司農卿庾準才優

識遠望重一時伏望罷臣別受定等庶光朝選克辨人

倫則徐毛裴王復存聖代無任懇願迫切之至



文苑英華卷五百七十七

欽定四庫全書

集部

文苑英華卷五百

七十八至  
八十

詳校官給事中臣李臺

助教臣常循覆勘

總校官進士臣朱鈐

校對官中書臣胡紹基

謄錄監生臣秦聯登

欽定四庫全書

文苑英華卷五百七十八

宋 李昉等 編

藩王讓官

為杞公讓宗師表一首 為定王讓官封表一首

為定王讓兼知司禮寺事表一首

為臨川王讓千牛將軍表一首

為安平王讓揚州都督府長史表一首

為建安王讓羽林大將軍兼司賓卿表一首

為岐王讓太常卿表一首

為安國相王讓東宮第三表一首

代宣王誦讓皇太子表一首

雜讓

為梁王妃讓封表一首

益州父老請攝司馬鄧公為真表一首

為僧普潤辭公封表一首

為道士馮道力讓官封表一首

為郭子儀讓華州請立生祠堂及碑表四首

為杜司徒讓淮南立去思碑表一首

代公主讓起新宅表一首

代公主辭家人畜產官給料表一首

為裴駙馬讓官與父表一首

藩王讓官

為杞公讓宗師表

庾信

臣某言伏見詔書以臣為使持節驃騎大將軍開府儀



同三司宗師中大夫伏奉綸言心魂震龍臣聞堯分四

岳是以望秩山川舜命九官是以光華日月必須易

一作

儀刑以德明試以功乃可協和萬邦咸熙庶績臣幼無

學植長闕財成鴻都之門不能定其章句雞鹿之塞無

以名其碑碣憑天漢之派水附若木之分枝東岳則朝

宿有名南宮則門闌有籍在臣庸劣久知滿盈武陽以

功臣之重特拜宗師東平以母弟之尊超登上將臣有

何德能兼此榮臣早傾廷蔭曾未扶墻母氏慈訓哀矜

勞苦甫及成人復垂捐棄几筵如在忍離鞠養之恩終  
天無報叩地難任欲草土丘陵終身塋域霜露申履時  
之感鷺雀展廻翔之心不悟天澤沛然謬垂提拔當今  
玉燭調和既非金革之世璿璣齊政豈亡梧擯之材况  
復一枝蹇曲終危九層之臺一股涔蹄必傷千里之駕  
皇帝欽明文思光宅區宇禮格四方無容奪臣此志孝  
治天下自當哀臣此情大宗為師更求同姓之國元戎  
叅乘別選能賢之臣伏願覽青蒲之奏曲允微誠詔鳳

鳳之池特收嚴召則天慈無濫私願獲從臣之容身便  
常有地不任荒悚戰懼之誠謹詣朝堂奉表以聞

為定王讓官封表

李嶠

臣某言臣頻布歎誠庶蒙矜遂而由衷之請空竭於肝  
膽臨下之鑒未察於庸愚集木非兢臨淵罔懼臣某誠  
惶誠恐頓首頓首死罪死罪臣歷窺前志詳考舊聞莫  
不以有道興邦家不才替社稷漢武帝網羅羣士唯佇  
俊賢周成王訓迪庶官不求庸保臣行能近淺識性凡

陋難化之質非八音所陶不移之愚豈六藝能飾往緣  
戚屬叨奉恩私遂得地列齊封門開魯館承敦叙於九  
族被徽章於五等今光華始旦品物維新三代典章理  
遵於舊式二京恩澤宜革於權制方就散秩之輩幸沾  
朝請之流寧可以冒踐槐廷更增茅土况班彝錫瑞執  
揆提衡法垂象於三台視隆班於四瀆實司邦教是曰  
藩維豈臣餘喘殘生所合尸忝非臣荒情菲質所宜叨  
據陛下懸旌訪逸刻象求才朝有白駒之賢野無黃犢

之彥方使思皇多士必明於至公豈令棧樸能官近廢  
於親昵臣自審量實所不堪葑室之災豈唯於身咎折  
鼎之責方貽於國忠伏冀回光斂靄寢緯收綸察臣不  
移之心矜臣非飾之請特停過誤改命才良則白馬丹  
書不慙於異姓和羹作礪不逮於凡庸無任慙懼屏營  
之至謹重詣朝堂奉表陳請以聞

為定王讓兼知司禮寺事表

臣攸暨言伏奉恩制

一作旨

命臣兼知司禮寺事臣本無

操履素乏藝能憑藉葭莩遂叨冕笏畫龍刻鵠

一作非鶴

有天才簪犀紐龜但因地勢墜空虛微眇之質驗庸閭

不逮之姿素簡神衷豈勞銓叙幸得攀光日月藉寵侯

王祿比萬鍾爵窮五等備梁園之車服司周室之典經

朝夕起居出入陪奉在生多幸於臣已足豈可重叨非

據更竊隆班上虧國章下速身謗昔漢疇稷嗣將冠九

卿虞昇伯夷實掌三禮奉丞嘗祈祀之典有匏土笙鏞

之節匪徒移風易俗兼且尊事神祇

一作尊大事神

豈於凡庸

所可參議況此司禮分職見有二卿並在官聯事且無  
缺更叅駕蹇之足徒亂鵷鴻之序伏乞聖慈回鑒天造  
曲成矜其慊切之心念其尸曠之責怡然俯察需乎垂  
許則至公之道實弘於聖朝多幸之災不累於凡識無  
任慙懼屏營之至謹詣朝堂奉表以聞

為臨川王讓千牛將軍表

臣嗣宗言臣學藝無稱才行兼闕幸一作得延慈蔭遂歷

通班花萼同榮依上林而發彩鶴鴒交賀仰大厦而相

歡恩比丘山效微塵露叨榮席寵荷愧承羞臣嗣宗中謝  
臣嗣宗夙奉皇明已忝銜珠之秩兄懿宗近承天澤又  
當執金之位弟兄齊列伯仲分曹咸典禁戎並叅宸衛  
匪唯官崇一作尊祿厚思滿盈而增憂固亦秉執操權顧  
章程而自惕况臣素抱愚拙更纏疴恙牽羸引僣竊位  
妨賢內懷尸素之慙外負朝廷之謗豈可以多塵聖化  
久累能官伏乞收迹丹墀歸骸素里庇堯雲之光彩浴  
舜海之波瀾柳蔚桃濃聽南隣之鐘磬茅舒桂滿陪北



闕之簪纓滄厚渥而忘飢樂太平而愈疾則涵養之德  
瞻大造而斯弘覲冒之譏在微臣而知免輒陳固陋輕  
蹟威嚴授紙彈毫驚魂悚魄臣嗣宗誠惶誠恐頓首頓  
首死罪死罪謹言

此篇五百八十一卷重出今已削去注異同為一作  
為安平王讓揚州都督府長史表

臣某言伏奉恩制以臣為揚州大都督府長史光寵載  
臨震悸交集臣某誠惶誠恐頓首頓首死罪死罪臣蒙

蔽有素非陶染所移磨礪無成豈鑽仰能及斯並久塵  
聖鑒不逮更伸愚歎陛下降猶子之愛忘具臣之譏乘  
以軒車佩以璽綬射榮席寵瞻歲月而徒深結課時庸  
在涓埃而莫取何曾不外慙赤紱內負素餐是以前布  
腹心辭禁衛之重後竭誠懇歸殿省之榮豈欲娛志養  
高實願遺身體國不為疑作聖情重疊恩旨綢繆更錫  
隆章重紆顯命刷燕雀之毛羽求其奮飛飾駑駘之銜  
轡徵其滅沒雖願盡智力而終難勉強陛下宵衣待旦

仄席思賢必欲無曠庶官克諧共理臣智慙一割政乏  
四科豈足以恭副虛求弘宣美績况三楚舊壤一都之  
會永言作鎮匪易其人伏願遵尚德之彝躅杜推恩之  
妄舉以公減私簡才授職則武皇得士不慙於曩歲文  
王能官復在於茲日無任慙悚之至謹詣朝堂奉表以  
聞臣所讓人具如別狀

為建安王讓羽林大將軍兼司賓卿表

張說

臣某言伏奉

集作承

月日制書除臣右羽林衛大將軍兼

檢校司賓卿朝榮對及恩露洪垂罄仰驚扞環揆失圖

集作慙失

臣某中謝臣席慶皇支辱司天衛素官成責久盈人

口頃屬山戎自擅王師震加謬當推轂之禮竟空汗馬  
之績實賴睿謨幽贊靈兵潛討滅犬羊於遼海卷旌麾  
於燕薊臣得歸功北闕待罪東藩沐泳休貺生死榮幸  
安敢賣要塞而告勞貪天功以為已又况羽林清禁上  
則星辰主客命卿下法河海蓋文武具美方議望僉歸

豈臣弊劣所堪尸忝伏乞特回睠鑒更擇能賢俾朝興  
薪樞之歌臣免伐檀之刺非敢飾讓實披誠請無任悚  
戴之至謹詣朝堂奉表陳讓以聞

為岐王讓太常卿表

蘇頌

臣某言伏奉制書以臣為太常卿兼檢校左羽林將軍  
虔奉恩命固寘心顏臣某中謝臣托蔭宸極分暉景緯從  
學多滯不足對於三雍為文益踈不足齊於七步日者  
自天有命裂地而封盛亨岐之井邑比從梁之駮駕旋

省慙惶益增忝越不悟前榮始拜後寵仍加且藝倫攸  
叙百官所以象物方策不墜二柄所以濟時苟非其才  
將汨于政況上卿之任中尉之重自非膠庠告老桓榮  
列於東面藩邸求舊宋昌總於北軍臣何妄庸兼此叨  
竊類表伏惟皇帝陛下夙祗圖錄光宅區寓凡厥在位  
喜聖朝之得人獨此曠官塵睿鑒之知子將何以典司  
禮樂綜理韜鈴伏乞太陽迴光慶雲灑澤俯察蒙鄙旁  
求賢俊則冀受授無失謀謨有倫無任下情愧悚之至

謹詣朝堂奉表陳乞以聞

為安國相王讓東宮第三表 崔沔

臣某言前累表自陳披瀝肝膽懇誠所守期在不移而  
天聽邈然未垂矜納屏營跼踖固措類表作寘心顏臣竊觀

帝王支庶進以寵私雖假恩靈必詒禍咎親如梁孝尚  
非正議所容才同季札猶為長亂之本况臣朽懦將何  
忝竊且承先建極當可推恩作範惟親宜崇以正伏願  
陛下雄畧潛明皇威誕發熏逐狐鼠梟剪鯨鯢上慰祖

宗之心下保元元之命大位既定丕業重光再造四海  
之基方流萬代之福至於守器允屬元良非聖賢無以  
厭天下之心非典禮無以為後嗣之法臣地非冢嫡才  
實昏庸一旦干冒大倫亂越皇統近為身患遠成國恥  
將何以措身闕廷將何以歸骨山陵是用專固不回繼  
之以死特希慈造俯垂聖諒一作諒察臣某中謝臣跡非飾讓  
言實由衷區區之心敢不披聲素所蓄積塵黷上聞嗟  
臣不天一作才夙遭險巖哀惻孤藐百罹是攻嗣聖之後



天步艱難逼迫崎嶇措身無地既冒儲貳又塵尊極正名罰罪合當萬死忝曰臣子豈所晏安殞首滅身無以塞責臣某中謝臣當此際之心豈貪生而憂死誠以身居類表作處不容之地命盡危疑之辰上適可以增國羞下未

足以明臣節是用冒罪假息忍死苟全尚祈宗廟之靈庶覩返正之運使臣得退保先朝所命歸死藩邸之下則雖灰滅良無遺恨惓惓所守神明知之既而天啓聖期興運伊始明兩出震九二在田臣克遂誠祈獲返舊

國私願雖果而皇猷未忝每以釁萌城社將傾宗稷常  
慮奄忽禍出非常夙夜憂惶固知攸濟幸屬陛下光啓  
休烈克復中興長信高居供養有地明堂正位忻戴知  
安抃舞謳歌稱慶未已不意陛下復將置之非據迫以  
奪宗前憂未忘後懼仍及臣之膚剝胡寧斯甚今天地  
交泰朝野歡娛獨在微臣殷憂昭代念及同氣願垂憐  
察

代宣王誦讓皇太子表

臣某言臣自奉明命累表陳乞懇誠無感聖慈未回進  
退兢惶如履冰谷臣誦誠惶誠恐頓首頓首臣聞少陽  
之重嗣守宗祧故傳曰年均擇賢義均以卜為國之本

繼奉休明臣質惟愚蒙未經師類表作保傳問安侍膳夙乖

奉養之規秋籥夏弦昧於類表作素昧齒胄之訓無以上承

七鬯展敬粢盛內省多慙類表作內多慙報豈敢飾讓未蒙諒

察惶怖失圖臣所以累獻封章備陳丹懇伏望俯回天  
眷曲遂愚衷臣無任懇款之至

雜讓

為梁王武三思妃讓封表 宋之問

妾言妾聞天與才多地居外戚理乖謙益

一作不患無位

寵盈妾亡夫三思頗讀聖賢之書夙知止足之分在先

朝錫漢藩之社位亞上台陛下流涓陽之思室嬪愛主

常恐官高祿厚福極禍來閨門之談顛覆存戒但以願

施塵露之効尚鬱山林之遊詎謂吳楚指有寵為名父

子以無辜同枉良以崇高取忌退讓未形事雖噬臍言

猶在耳妾夫埋黃壤子天青春唯知哀訴神明號泣天地妾之殘命稱曰未亡更何心顏享茲豐厚況三思久謀謙退人所未知實恐士庶遊談是非相半既未能辯明高義豈復忍貪吝餘資雖則伯宗已亡獻誠者聞乎奸盜尚冀黠婁宿意見知者因乎寡妻今墳土未乾總惟猶設妾所以廢寢忘食瀝歎披誠未允前祈更陳後請伏願俯矜賤妾遠念幽魂收彼白茅之封表其赤松之節光陛下有任賢之德明三思無冒寵之譏妾之區

區意盡於此無任感切之至謹遣某詣朝堂上表以聞  
再黷威嚴伏深戰越妄死罪謹言

益州父老請攝司馬鄧公為真表

閻丘均

此篇合在六百九卷雜上請門今已移入姑存其  
目

為僧普潤辭公封表

張說

僧普潤言伏奉甲寅制書以普潤加榮沐秩授邑封公

聖恩無涯將變枯朽佛法有教誠願住持普潤自剃落

緇衣五十餘載心不見是口不言俗因誠證業憑禪悟

理幸逢皇祚將

集作特

啓大運有歸皇太子逼畏兇讐永

懷興復憂虞之際

一作始

一作特

蒙顧問貧道起廣救之

悲決必成之策奉符命之旨贊無畏之心今得衆生又

安羣魔消伏在於法侶所願為多視身本無何功受祿

天位有德陛下享之天討有罪太子行之豈貪天之功

以為己力賣佛之法而求身利必若冒榮背律返俗違

真亦恐乖陛下崇誠之情

集作崇  
信之誠

失如來付囑之義凡

所稱述諸佛證明伏願聖慈亦垂開領乞停恩授以幸

法門無任護戒傳道之至願謹詣朝堂奉疏陳情

一作  
請

以聞

為道士馮道力讓官封表

李嶠

臣道力言叨緣幸會謬奉渥恩隨簪笏之九班列山河  
之三土王言如綉敢不欽承人好惟星願披誠歎道力  
本厭囂滓夙耽閑曠潛形草澤不將臯鶴並聞浪性雲



霞惟慕

一作共

海鷗相狎十步徒歡於飲啄一官匪尚於

榮華幸屬聖期謬迴天獎承軒冕之賜列是樊籠踐繩

墨之途更成維繫尺鷃但慙於鐘鼓鷄鷓空費於牲牢

故欲瀝膽輸肝

一作誠

披誠

一作肝

進欸倘蒙却收匪服改

命如絲不

一作矜

以尸曠之交免其負乘之責則物情與

論誰不謂宜如將衆列

疑作例

難違微功必叙仍優附鳳

之賞遂假濡鵜之衣則望賜以宮名還其道服仲虞懷

八座之祿未入朝廷之推列五等之封尚居山藪所冀

資此俸秩永修齊供庶玉清垂貺增寶祚於三光

一作元

金錄開祥固珍圖於萬劫上隆紫極之統下遂清溪之遊在於微生實為幸甚道力昨已陳請未蒙處分重此干祈伏增戰越道力誠惶誠恐頓首頓首死罪死罪謹言

為郭子儀讓華州及奉天縣請立生祠堂及碑

表

邵說

臣子儀言臣得同華節度使刺華州刺史周智光牒稱

得著壽薛遠等將以華州是臣所生之地奏請與臣立  
紀功頌德碑天慈曲臨已蒙聽許又得奉天縣令程暹  
狀得百姓仇廷珍及僧山海等狀亦請與臣立碑及生  
祠者伏以皇家受命祚運延昌雖妖孽暫興而天地終  
泰收兩京之際陛下親總元戎臣忝職驅馳躬執鞭弭  
指蹤逐寇皆聖主之雄圖靜難夷兇且微臣而何力四句  
類表作指踪逐寇幸克有成皆又奉天之役大挫渠魁  
聖主之雄圖顧微臣而何力亦仗天威以集戎事必欲紀之金石播美無疆理合昭

宣聖功垂於不朽豈臣薄劣輒敢當仁寤寐兢惶莫知  
死所瘡痍之後凋瘵未平更屬春時實妨農業乞回成  
命一切勒停庶老臣無貪天之責疲人有息肩之望懇  
歎迫切之至謹奉表陳讓以聞

第二表

臣子儀言伏以華州及奉天耆壽等請與臣立碑及生  
祠昨已奉表請停未蒙允納夙夜省究一作度不勝戰悸

臣某中謝臣以孱庸謬承驅策雖東征西伐莫顧微軀而

保大定功皆憑睿算今欲刊諸貞石永播徽猷實為貪天之功難勝踏地之愧況今兵革未息瘡痍未平忽此勞煩必有妨奪顧臣薄劣將何自安臣雖至愚深知不可再陳疏宸伏用兢惶所望聖慈遂臣誠請無任懇迫之至

第三表

臣子儀言臣聞人臣事君稟命而已若君有非常之畧則臣成佐命之勲象彼四時運行實因於上帝配諸百

谷廣大在宗於滄溟頃陛下監國撫軍則再安宗社及  
飛龍踐阼又克清夷狄所有成績莫匪雄圖臣雖在行  
何力之有今奉天華州耆壽請為臣建碑立祠且陛下  
聖功已書簡策微臣薄效何足褒稱耆艾之徒昧於事  
體謬請刊紀殊乖名實昨已再表懇辭冀達誠慊陛下  
未察令斷來章奉詔兢惶若墜泉谷况今畿內百姓日  
益凋殘糧無半菽室如懸磬以不急之務擾至疲之人  
竊顧心顏益增覩懼又比來耆壽陳狀是官吏指麾恐

以臣備位台司妄為希附縱有勤請或非矯飾所祈聖造特遂愚衷區區之誠敢以死請無任懇迫之至

第四表

臣子儀言伏以奉天華州耆壽請為臣立碑及生祠臣自揣功業至薄不足以當刊紀百姓至微不可以興力役歷獻愚款至于再三言不動天未蒙允納夙夜兢懼不遑寧止臣非有馬援南征之績竇憲北伐之功安敢飾詞以陳謙讓但以兵革不息十年于茲天下之人未

獲其所臣幸備相位尚負憂責頃歲之克復京都去冬  
之小却夷醜所有微效皆稟聖謀然未能使其干戈盡  
銷郊甸罷警北有亡命之虜西有無厭之戎公卿大夫  
未免肝食臣幸而獲宥其榮已多豈可竊功僥名以圖  
不朽其若千古何昔漢為霍去病理第辭以匈奴未滅  
何以家為况今殘孽尚存而敢播美金石臣雖才不逮  
名竊慕古人之志所望再効駕蹇遠斥兇渠三虜之首  
必懸四海之波自定從茲偃伯可以息人然後紀功亦



未為晚臣以誠願實在於斯伏乞聖恩特遂勤請無任  
惶怖懇迫之至

為杜司徒讓淮南立去思碑表

劉禹錫

臣某言伏見淮南節度使王鏐

一作諤  
下同

所奏當道將吏

僧道耆老

集作  
壽

等請為臣立去思碑伏奉聖旨允其所

奏內惟菲薄聲績無聞祇荷恩私慙懼交至臣某誠惶  
誠恐頓首頓首臣伏蒙先朝過獎累典方隅頃鎮江都

十有四載數周星紀水旱備經境接淮瀆兵戈時起至

於邑里粗免流離非臣所能悉稟聖化在唐堯可封之

日奚假吏才

集作師

當漢宣責實之時皆承認詔旨王鏐與

臣交代輒有上聞况以去思為名慙無可紀之績伏以

建碑示後

集作有制

甲令垂文苟非至公則翻

集作翻益

貽誚臣

伏覽故事宋璟自廣州都督入拜

集作為

尚書南海之人

請刊樂石璟自懸

集作遜

讓至於再三雖勒其文竟從降

制在於國史

集作著舉在國典

集作垂

為美談璟非苟榮人益見

德臣才誠不逮心實慕之伏乞聖慈賜寢前命情非飾讓義在徇公無任懇歎之至謹奉表陳讓以聞

代公主讓起新宅表

六百五卷重  
出今已削去

李嶠

臣妾言伏承聖慈以妾居處褊狹欲開拓宅北更起新第恭聞睿旨不勝慙惕陛下骨肉之愛天至而溟深敦叙之風日隆而月厚乃復推心連萼結念同胞方欲廣沁水之庭除增常山之版築雖殊恩曲獎惠澤實浸於肌膚而妨公害私謗訕恐盈於道路况臣妾承靈天妹

藉寵王姬與服亞於椒宮土田方於茅社甲第之當衢  
向術並列三區別廬之帶水連山將盈萬畝深埒則可  
乘騏驥高樓則唯待鳳凰常憂瞰室之易災實懼滿堂  
之難守寧可更求輪奐別構崇深擾閭里之忙黎傾國  
家之府藏且鬼神所福常矜於缺隅賢聖垂箴必誠於  
豐屋孫叔辭良沃之土晏嬰求湫隘之居妾雖愚蒙頗  
聞訓典實願歸一作師老氏以止足自防仰慕周公將  
逸豫為戒但希安分於容膝非敢攀榮於潤身且坊為

要衝地當貴里畝賃二三十貫居人四五百家奪其近  
市之門閭生其破家之怨讟雖下人之不語豈愚妄之  
能安又妾之平生每存捨施屈身濟物心所願為益已  
害人情豈能處今麥苗雖盛穀價未豐家少糧儲人多  
菜色但可勸耕耘之業未宜興土木之功伏乞俯察愚  
誠傍詢衆望體東作之尤要知西第之非急收茲霈澤  
惠被黎蒸則天下蒼生孰不欣幸無任慳欸屏營之至  
謹遣某官詣朝堂奉表陳請以聞謹言

為公主辭家人畜產官給料表

臣妾等言妾聞賢相防微格杜一作盈門之車騎適人酌

損忌滿堂之金玉尚子平之讀易富不如貧孔宣尼之  
立言奢也寧儉永言故實此為明鑒妾等並承靈坤載  
荷蔭中樞或天妹申慈忝扶桑之瑞萼或王姬藉寵竊  
穠李之奇秀開沁水之園苑賜常山之湯沐榜懸金字  
分衢離異之宮路夾銀河並列星辰之位通秘籍於龍  
廷之內枉仙輿於鳳樓之下殊私曲獎以日而繫年縲

禮崇徽夸今而邁昔兼復別隆朝旨猥存家務輿臺供  
隸之衣食棧廐拳牢之秣養並迴中府俱出大農聚終  
歲之儲但憑絲紱供闔門之費不煩機杼仰祇鴻澤退  
省微躬生以地高徒竊雲霄之幸寵非德進曾微纖芥  
之勞何義而虛受渥恩何功而謬延賞賜是用每積慙  
悚常憂顛沛敢忘周公逸豫之誠深念老氏止足之言  
乞留聖慈俯鑒愚懇使榮無過腆滿不至溢國邑田租  
之常料既已豐殷馬牛陪隸之雜供並希停減庶得無

耗府實稍清朝謗長轂遠馭不逢於致寇之人高門洞  
開無怯於害盈之鬼不任兢悚愧懼之至謹遣某官詣  
朝堂奉表陳請以聞

為裴駙馬讓官與父表

臣某言臣聞善則歸君臣之報主功推於父子所榮親  
臣本愚賤幸承門閥擢自弱齡得尚公主耀一作輝宗榮

黨向已七十年成名效能曾未之有得是以昧死疏宸  
陳情控告臣某中謝臣聞情隱而言不吐者事君之罪人



心孝而迹未行者事親之逆子臣擢自泥滓起登上第  
受國之寵負親之恩情所隱而言未吐者敢奏於今日  
臣門閥少薄冒因遺緒父叔昆弟忝列朝班唯臣一身  
特拜都尉然駙馬之位因天所封寺卿之階何功受賞  
富過宗祖榮過棠棣無德而祿將何以堪臣父正議大  
夫前太子少詹事臣居士夙預周行早規陳力頃以天  
波溥洽許順懸車然朝命先靈已三十載累年効職復  
十數遷金紫末階爰從致仕桑榆尚早實願榮班臣亦

何人獨多勲賞臣聞父子罪不相及而官獨踰於父雖

爵因天假不限高卑而官入私門自多伊愧每用責躬

晨省覲惡

疑作面

朝端臣子之情祇所不忍伏乞以臣在

身三品并見在進讓臣父本品降賜於臣貴得秩祿相  
次承寵朝聞夕死實所甘心伏願陛下容臣恭讓允臣  
愚懇非直聖朝高孝理之風抑亦微臣盡為子之道

文苑英華卷五百七十八